

Powšitkowne WOZJEWJENJA

njedźelu, 1. februara 2026

Kulturna zyma w putniskej hospodźe

Na poslednim zarjadowanju Kulturneje zymy w putniskej hospodźe Moniki Gerdeso-weje w Chróścicach přednošuje sobotu, 7. februara, w 19.45 hodź. farar Uwe Peukert z Kamjenca wo tym, kak spomóżne móže čezke schorjenje być. Hižo popołdnu w 16.00 hodź. su dźěci na samsne městno přeprošene, hdžež jim hosćicielka bajku čita.

Zbóžneho Alojsa wopominać

Swjedžensku Božu mšu na wopomnjenskim dnju zbóžneho martrarja Alojsa Andrickeho swjeća wutoru, 3. februara, we 18.30 hodź. w Radworju. Swjedženski předar budže Zhorjelski biskop Wolfgang Ipolt. Kemše wuhotuja chór Lipa kaž tež młodži dujerjo RadworBrass. Po kemšach je šijeswjećenje. Wšitcy wěriwi su wutrobnje přeprošeni.

Jězby do Erfurta, sewjerneje Němskeje a na pasionske hry w Awstriskej

Na tři jězby přeprošuje Radworske Šmitec-Schwarzec wozydłownistwo klětu w běhu lěta. Prěnja powjedže wot pjatka do wutory, 26. do 30. junija, na pasionske hry do awstriskeho St. Margarethena. Nimo toho poskića tam kołojezby.

Klětuša serbska putniska jězba pod hesłom „Wěra zetka hudźbu“ budže wot póndžele do štwórtka, 10. do 13. awgusta. W Erfurće wopytaja wobdźělnicy mjez druhim klóšter awgustinow a tamniši měšniški seminar. Dale wobdźěla so na Erfurtskich Domowych swjedženskich hrach z předstajenjom musicala „Jesus Christ Superstar“.

Zdobom zarjadowuje Drježdžansko-Mišnjanske biskopstwo wot srjedy, 30. septembra, do jedźele, 4. oktobra, chórowe putnikowanje do Greifswalda, Stralsunda kaž tež na kupu Usedom. Dny wobsahuja zhromadne proby a Bože služby. Na jězbje wobdźělić móža so wšitcy, kiž rady spěwaja, byrnjež čłonojo chórow njebyli, runje tak kaž ci, kotřiž njespěwaja, ale chcedža křesćansku zhromadnosć dožiwić. Přizjewjenja přijimuje Šmitec-Schwarzec wozydłownistwo, telefonowe čisło (03 59 35) 28 60.

Molowanski kurs w Smochćicach

Kurs eksperimentelneho molowanja z wolijowymi barbami budže sobotu a njedźelu, 14. a 15. februara, w Smochčanskim kubłanišću swjateho Bena. W džělarničce posrědkuje referent Günther Scheer mjez druhim rjemjeslniske zakłady wolijoweho molowanja. Přizjewić so je móžno hač do pjatka, 6. februara. Link k nadrobnišim informacijam je pod www.posol.de podaty.

Wustajeńca wo nabožnych hrach

W Chróšćanskim Hórnikowym domje móža sej zajimcy njedźelu, 1. a 8. februara, po nyšporje, kotryž so w 14.00 hodź. zahaji, hač do 17.00 hodź. wustajeńcu wo nabožnych hrach wobhladać, kotrež buchu w Serbach wot 1877 do 2025 předstajane. Jurij Špitank je přehladku w nadawku Towarstwa Cyrila a Metoda z.t. (TCM) zestajał. Wón tež po njej powjedže. Po tym ju wottwarja.

Modlenje w Różeńće

Na modlenje před Najswjećišim su wěriwi sobotu, 7. februara, we 18.00 hodź. do Różeńčanskeje hnadowneje cyrkwy přeprošeni. Paćerje budu w serbskej a němskej řeči spěwane.

Mandželskej seminaraj

Seminaraj k přihoće na sakrament mandželstwa wotmějetej so stajnje pjatk a sobotu, 27. a 28. februara kaž tež 27. a 28. nowembra, w Smochčanskim kubłanišću swjateho Bena. Přizjewjenja přijimuje dekanatne dušepastyrstwo młodžiny we Worklecach online. Link je pod www.posol.de podaty.

Sydomtydženska akcija k skrućenju partnerstwa

Što je dostojne a poľneje hódnoty za nas? Kotru hódnotu maš, mamy jedyn za druhoho? Kak swoje rozdžěle poľneje hódnoty swjećimy? Kotre wokomiki činja naš čas poľne hódnoty? Tutym a dalšim prašenjam wěnuje so lětuša póstna akcija Džěłoweho zhromadženstwa za katolske swójbne kubłanje (AKF) za pory, partnerstwa a swójby. Nimo toho předleži tež wersija za swójby z džěćimi w zakladnošulskej starobje. Tydženske tekstowe impulsy maja k rozmyslowanju a wzajomnej wuměnje myslow přeprosyć kaž tež k změnje perspektiwy pohnuwać. Tak dóstanu wobdžělnicy ke kóždy temje darmotnje kóždy tydžer list – z póštu, z mejlku abo z linkom na šmóratko. Za to měli so hač do njedžele, 8. februara, přizjewić. Link k nadrobnišim informacijam je pod www.posol.de wozjewjeny.

Bibliske zetkanja w póstnym času

Sydom bibliskich žonow, kotrež su so Jězusa dótknyli steja w srjedzišću wosebiteho zešiwka „Jězusa znowa zetkać“ nakładnistwa Stiftung Christliche Medien kaž tež křesćanskeju časopisow LYDIA a JOYCE. Zešiwk je za jednotliwcow, ale tež za swójbne kružki, wosadne skupiny abo modlerske iniciatiwy mysleny a wobsahuje 40 impulsow za póstny čas. W Drježdžansko-Mišnjanskim biskopstwje poskićuja k tomu tež dobrowólnu digitalnu wuměnu přez platformu Zoom po pjec srjedach w februaru a měrcu. Za to proša zamołwići wo přizjewjenje hač do njedžele, 8. februara. Informaciske zarjadowanje k tomu budže srjedu, 4. februara, w 20.00 hodź. tohorunja přez Zoom. Linkaj k nadrobnišim informacijam kaž tež k přizjewjenju stej pod www.posol.de podatej.

Dnjowu hladarnju we Worklecach zeznać

Dohlady do toho, što Dnjowa hladarnja „Při Krabatowym puću“ we Worklecach skići, ale tež wo móžnosćach financowanja a woženja za hladanje pomocy potrěbnych móža zajimcy tam štwórtk, 5. februara, w 19.00 hodź. dóstać. Na informaciski wječork přeprošuje nawodnica hladanskeje služby Jěwa-Marja Šnajderowa, kotraž konkretne aktiwity předstaji. Přeprošeni su ci, kotřiž bychu sami w běhu tydženja jónu abo po wjacorych dnjach zhromadnosć, bjesadu abo wotměnu wužiwać chcyli, runje tak kaž jich přiwuzni. Dnjowa hladarnja je w nošerstwje zwjazka Carity.

Hudźbne dalekubłanje

Drježdžansko-Mišnjanske biskopstwo přeprošuje wšěch, kotřiž čestnohamtsce w chórach spěwaja, je nawjeduja, w cyrkwi kantorja, abo na instrumentach hraja respektiwnje chcedža to přichodnje rady činić, na dalekubłanje. Wone budže wot pjatka, 27. februara, do njedžele, 1. měrcu, w Smochčanskim kubłanišću swjateho Bena. Za to měli so do toho přizjewić. Link na to a wjace informacijow nańdu pod www.posol.de.

Putniska jězba do Israela

Pod hesłom „Zhromadnje po puću“ steji putniska jězba do Israela, kotraž wotměje so wot póndžele do póndžele, 2. do 9. nowembra. Přewodźeć budu ju cistercienski pater dr. Johannes Müller z klóštra Marijineje hwězdy a Enrico Scholze z Hellendorfa. Jězbu poskića zhromadnje z pućowanskim běrowom Scuba-Reisen ze Stuttgarta. Přizjewjenja su hač do pjatka, 7. awgusta, móžne. Ličba městnow je wobmjezowana. Link k nadrobnišim informacijam je pod www.posol.de podaty.

Chorych a mrějacych přewodźeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Za to trěbnu wědu posrědkuja w zakładnym kursu, kotryž wotměje so wot 4. měrca hač do 18. apryla trójce srjedu wot 17.00 do 20.00 hodź. kaž tež trójce sobotu wot 9.00 do 15.00 hodź. Na to scěhuje dohromady 20hodžinski praktikum z dalšimi štyrjomi zetkanjemi. Pohłubšacy kurs je w septembru planowany. Štóž chcył wukublanje absolwować, měł so pola hospicnej služby Carity w Kamjencu pod telefonowym číslom (0 35 78) 37 43 12 abo z mejlku na hospiz@caritas-oberlausitz.de přizjewić. Flajer z dalšimi informacijemi a terminami je pod www.posol.de podaty.

Wo temach pisać, wo kotrychž hewak nihtó njerěči

Projekt „Wobydlerjo činja žurnalizm“ Lipšćanskeje uniwersity přeprošuje wosoby wot 18 lět ze Sakskeje, so z wobydlerskim žurnalistom stać a wo temach ze swojeho regiona rozprawjeć, wo kotrychž hewak nihtó njerěči. Wobdžělenje je darmotne, nježada sej žane předznajomosće, ma so derje z powołanjom a swójbu zjednočić dać. Planowane su džěłarnički k žurnalistiskemu rjemjeslniskemu gratej, podpěra přez profesionalneho žurnalistu a wozjewjenje tutych přinoškow. Projekt zahaji so w měrcu 2026 w Kamjencu, Budyšinje a Wojerecach. Trać ma wón dohromady něhdže tři měsacy. Na dwěmaj abo třoch sobotach sposrědkuja zakłady. Dalše krótke zetkanja budu digitalne. Wobdžělenje je darmotne. Zajimcy měli so hač do soboty, 28. februara, z mejlku na buergerjournalismus@uni-leipzig.de přizjewić. Městna su wobmjezowane. Wjace pod www.posol.de.